



F 調 6/8

Moderato ♩ = 52

159. 聖母升天歌




1. { 耶穌升天十餘年，聖教四極已廣傳，
 { 天主見爾功德滿，特遣天神報升天。
 2. { 天樂大作天門開，天神擁護耶穌來，
 { 接爾靈魂入天國，無病無痛逝於愛。
 3. { 聖母既已升天後，天主立為天地后，
 { 保佑我等於今時，救護我等於死候。




踴躍讚美聖母升天，踴躍讚美聖母升天。

D 調 2/4


160. 慈母挈我升天



{ 慈母挈我升天，永遠見爾聖顏，
 { 慈母挈我升天，永遠見爾聖顏。



1. 今跪伏爾臺前，聊亦迴目矜憐，諸天神聖之后，
 2. 賞我共赴聖筵，修德效法先賢，為義致命之后，
 3. 聖心至聖至謙，恩波潤我心田，無染原罪之后，
 4. 爾今榮福在天，寶座聖子右邊，蒙召升天之后，
 5. 聖身顯示人間，感大能恩無邊，至聖玫瑰之后，




1-5 望爾為我等求。

F 調 6

♩ = 116

161. 慈母凄悲危立架傍

(Stabat Mater)



1. 聖子高懸，十字架上，慈母凄悲，危立其傍，舉目仰視淚流長。
 2. 其靈其神，憂悶長吟，心中悲傷，何如其深，真如利刃刺透心。
 3. 獨子之母，殊福之女，憂悶痛楚，誰堪比汝，嗚呼哀哉不能語。
 4. 榮光之子，如是痛創，仁慈主母，見之凄愴，悠哉悠哉痛久長。
 5. 基利斯督，可愛之母，如是慘傷，居之幽谷，誰能見之不同哭。
 6. 聖母在旁，仰瞻耶穌，母子心聯，同傷同憂，誰能見之不同愁。
 7. 為救其民，願捨己身，見子耶穌，受盡艱辛，被鞭五千痛欲昏。
 8. 見其愛子，為人所棄，長聲發嘆，斷送其氣，為之娘者痛出涕。
 9. 吁嗟母兮，熱愛之泉，賜我覺得，痛苦無邊，偕爾同悼淚漣漣。
 10. 賜我心中，熱愛炎炎，愛之耶穌，披示心肝，悅樂天主至尊顏。
 11. 至聖母兮，求施忠忱，將主五傷，深刻吾心，終身保之愛且欽。
 12. 爾子耶穌，為我福原，為我受苦，我心難安，願分其苦我心歡。
 13. 賞我一生，與爾同悲，爾子被釘，救我於危，同憂同苦永勿諼。
 14. 願偕我母，侍立架傍，與子分憂，合爾同傷，哀鳴悲痛淚成行。
 15. 賞我偕主，同患同憂，負其死痛，分其苦愁，念念在心永無休。
 16. 吾主受苦，使我斷腸，求主苦架，放我肩膀，聖子寶血使我當。
 17. 日後審判，我甚凜然，童貞聖母，慈愛無邊，赦免永獄火中煎。
 18. 基利斯督，于我死後，令爾慈母，為我轉求，得勝歸天戴冕旒。
 19. 未終之時，吉凶攸關，賞我靈魂，得升于天，享主榮福億萬年。
 20. 童貞聖母，女中淑媛，勿常憂痛，勿自傷殘，今我與爾淚漣漣。